

РИШТОН ЗИЁРАТГОҲЛАРИ САЙЁҲЛАРНИ ЖАЛБ ЭТМОҚДА

Кейинги вақтда улуғ авлиёлар қабрига, муқаддас қадамжоларга ҳукуматимиз, халқимиз томонидан ўзгача эътибор қаратилмоқда. Ёш авлодни комил инсон этиб тарбиялашда, аждодларимизнинг эзгу ишларидан фахрланиш ҳиссини шакллантиришда зиёратгоҳларнинг ўрни бекиёс. Улуғ-авлиёлар қабрини зиёрат қилишда уларнинг ибратли ҳаётларини ўрганиш муҳим бўлса, меъморий ва тарихий обидаларни авайлаб-асраш, уларнинг дунё тамаддунидаги ўрнига эътибор қаратиш, шу билан бирга, мамлакатимизда туризмни ривожлантириш борасидаги аҳамиятини ҳам эътироф этиш зарур.

Риштон номини Заҳириддин Муҳаммад Бобур, Муқимий каби адибу алломалар ўз асарларида тилга олган. Бурҳониддин Марғиноний, Мирзаабдулла Бокий сингари илм аҳллари, кўплаб фан арబлари, таниқли шахсларга бешик бўлган. Бугун туманда улкан бунёдкорлик, ободонлаштириш ишлари олиб борилмоқда, янги корхоналар иш бошлаган, замонавий бино-иншоотлар қад ростлаган.

- Вилоятимизда 139 та архитектура, 117 та археология, 32 та монументал, 88 та муқаддас қадамжолар, дикқатга сазовор зиёратгоҳлар мавжуд. Риштондаги “Соҳиби Ҳидоя”, “Хўжа Рушноий”, “Хўжа Илғор” ва “Мулла Исматуллоҳ қори”, “Йигитпирим” зиёратгоҳлари доимий эътиборимизда, – дейди вилоят маданий мерос бошқармаси бошлиғи Алишер Ҳусанов. – Бугунги кунда бу масканларда таъмирлаш, ободонлаштириш ишлари олиб борилмоқда. Кадастр ҳужжатлари тайёрланган, чегаралари аниқланган ва асраб-авайлаш бўйича чора-тадбирлар амалга оширилмоқда.

Маълумотларга кўра, ҳар йили “Хўжа Рушноий” зиёратгоҳига ўртacha 120 минг, “Хўжа Илғор”га 100 минг, “Мулла Исматуллоҳ қори”га 25 минг, “Соҳиби Ҳидоя” зиёратгоҳига 50 минг нафар зиёратчилар ташриф буюришади. Ҳусусан, ислом мамлакатларидан келувчи сайёҳлар ва зиёратчилар сафи йил сайин ортиб бормоқда.

“Хўжа Рушноий”

Бу йил битказилиб, ишга туширилган “Халқаро қулолчилик маркази” қурилиши жараёнида унинг шундоқ биқинида жойлашган “Хўжа Рушноий” зиёратгоҳи ҳам реставрация қилиниб, ободонлаштирилди. Илгари фақат риштонлик зиёратчилар келиб-кетадиган масканга бугун хорижлик сайёҳлар ташрифи сезиларли даражада ошган. Ҳудуднинг ободлиги, қийғос очилган турфа гуллар кўнгилларни хушнуд қиласди.

- Хўжа Рушноий ёруғлик, рўшнолик, хайрли амаллар тимсоли сифатида қадимдан қадр-ланиб келинган, – дейди туман маҳалла ва оилани қўллаб-қувватлаш бўлими бошлиғининг ўринбосари Турсунхўжа Абдураҳмонов. – Бу номдаги мақбаралар Афғонистоннинг Кобул, Тоҷикистоннинг Хўжанд шаҳарларида, Самарқанддаги Чокардиза қабристонида ҳам мавжуд. Кимки ихлос билан бу зиёратгоҳга келса, омади юришади, қалбига ёруғлик киради, дейишади.

“Соҳиби Ҳидоя”

Ислом оламининг буюк алломаси Бурҳониддин Марғиноний Риштонда таваллуд топгани ҳақида “Бобурнома”да таъкид-

ланган. Бинобарин, аллома таваллудининг 910 йиллиги нишонланган 2000 йилда Риштондаги мақbara ҳам таъмирланган эди. Ўтган вақт ичидан мақbara таъмирга муҳтоҷ бўлиб қолди.

Ҳукуматимиз эътибори билан, “Соҳиби Ҳидоя”ни таъмирлаш, ҳудудни кўкарамзорлаштириш, қўшимча бинолар, ҳусусан, таҳоратхона, намозхона қуриш ишлари бошлаб юборилган. Наққошу рассомлар, бўёқчилар таъмирлаш ишлари билан банд.

Мақbara қуббасини ўзига хос нақш билан безаётган усталарнинг айтишича, сифатли бўёқлар келтирилган. Уста бўёқчи Бахтиёр Аҳмаджонов Самарқанд, Бухоро, Қарши шаҳарларидаги меъморий обидаларни таъмирлаш ишларида ҳам қатнашган.

1 / 3

- Бир ойдан сўнг таъмирлаш ишларини битказамиз, – дейди у. – “Соҳиби Ҳидоя” янада чирой очишига ҳисса қўшаётганимдан хурсандман. Бухородаги Минораи Калонда ишлатилган

бўёқлардан фойдаланяпмиз. Иссик-совуқда ҳам, намгарчиликда ҳам ўз хусусиятини йўқотмайди.

“Хўжа Илғор” ва “Мулла Исламуллоҳ қори” зиёратгоҳлари

«Хўжа Илғор» зиёратгоҳини ўзига хос меъморчилик ансамбли дейиш мумкин. Тадқиқотчиларнинг фикрича, XIX асрда шу ерлик таникли шахс – Хўжа Илғор шарафига қурилган. Мажмууда масжид, мақbara, чиллахона, ғор сақланиб қолган. Масжидда сўнгги марта 2000 йилда таъмирлаш ишлари амалга оширилган. Унинг пештоқлари, устун ва том қисмларида Фарғона услубига хос нақшлар кишини ўзига жалб қиласди. Маскан давлат муҳофазасига олинган.

“Хўжа Илғор” ва унга ёндош “Мулла Исламуллоҳ қори” мақбараси, чуқурлиги 3-4 метрлик ғор, қачонлардир талабалар учун бошпана вазифасини ўтаган ҳужралар ва чиллахона сайёҳлар эътиборини қозонган. Юз йиллик тут дарахти эса ҳудудга салқин ҳаво, табиий орасталик баҳш этиб туради.

– Отам раҳматли Мир Араб мадрасасида таҳсил олган. 1964 йил эди, вафот этишидан бир йил олдин мени етаклаб, шу ердаги ғорга олиб келди. Ғор ичига тушиб, тиловат қилди. “Бу хосиятли жой, қўлингдан келса, обод қилгин”, деди. У замонларда диний уламолар таъқиб остида бўлган, – деда ҳикоя қиласди Исламуллоҳ қорининг ўғли Мирзоаҳмад Исматов. – Юртимиз истиқлолга эришгач, отамнинг васиятини адо этиш имкони туғилди. 2014 йили самарқандлик моҳир усталарни жалб қилдик ва шу йили декабрда мақбаранинг очилиш маросими ўtkазилди.

Бугун шу ҳудуддаги Заариқ маҳалласи одамлари меҳнатдан қадр топган, дехқончилик ва ҳунар ортидан том маънода “олтин”га эга чиқишиган. Оилаларда бирор яхши воқеа рўй бериши билан шу зиёратгоҳга келиб, хайр-эҳсон қиласидилар, азиз-авлиёлар руҳига Қуръон тиловат қилишга одатланишган.

Муаммолар, ечимлар...

Баъзи муаммолар ҳануз ҳал этилмаяпти, – дейди “Мулла Исламуллоҳ қори” зиёратгоҳи мутасаддиси Ҳомиджон Жалолов. – Масжид-ку ёнма-ён, лекин чет эллик зиёратчилар бемалол келиб-кетиши-

лари учун кенг йўл, юваниш ва покланиш жойлари, сайёҳлар талабига монанд ошхона жуда зарур.

Бу ҳақда масъуллардан сўраб-суриштиридик. Маълум бўлишича, Президентимизнинг 2021 йил 9 февралдаги “Ўзбекистон Республикасида ички ва зиёрат туризмини янада ривожлантириш чора-тадбирлари тўғрисида”ги Фармонига асосан, “Хўжа Илғор” ва “Мулла Исламуллоҳ қори” зиё-

ратгоҳида реставрация ва қайта тиклаш ишлари амалга оширилиши режалаштирилган. Шунингдек, Президентимизнинг 2021 йил 2 апрелдаги “Обод қишлоқ” ва “Обод маҳалла” дастурларини амалга ошириш бўйича қўшимча чора-тадбирлар тўғрисида”ги қарорида белгиланган вазифаларни амалга ошириш мақсадида, масъул вазирлик ва идоралар томонидан мазкур зиёратгоҳ тўлиқ ўрганилиб чиқилган.

Айтиш керакки, бу ҳудудда зиёрат туризмини ривожлантириш бўйича қилиниши зарур ишлар бисёр. Мисол учун, йўл инфратузилмаси, турли кўринишдаги маълумотлар базаси, дам олиш, овқатланиш ва юваниш хоналари, тарихий жараённи гавдалантирувчи қадимий суратлар мажмууси ташкил қилиш каби вазифалар ўз ечимини кутмоқда.

Шу ўринда туманда яна кўплаб қадамжо ва зиёратгоҳлар мавжудлигини эсга олиш керак: таникли шоир, таржимон ва хаттот Муҳаййир мақбараси (Оқер қишлоғида), “Хўжа Абдуллаи Анзорий” (Тўда қишлоғида), “Сўфи Содик” (Алишер Навоий маҳалласида), “Тутмозор” (Пандигон қишлоғида), шунингдек, “Оқмозор”, “Мурод бува” сингари обьектлар тадқиқотчилар ва олимлар томонидан ўрганилиши, ободонлаштирилиши зарур.

Туризм ва зиёрат одоби

Хар бир мамлакат иқтисодиёти ривожида туризмнинг ўрни бекиёс.

2 / 3

- Вилоятимизда ички ва ташқи туризм кун сайин ривожланиб бормоқда. Туроператорлар

томонидан ташкил этиладиган сайёхлик маршрутларининг ҳеч бири Риштонсиз ўтмайди, - дейди вилоят туризмни ривожлантириш худудий бошқармаси матбуот котиби Баҳодиржон Ҳошимов. - Кейинги пайтда зиёрат туризми ҳам оммалашмоқда. Вилоятимиз, хусусан, Риштондаги муқаддас қадамжолар ва зиёратгоҳларга қизиқиш катта. Шу боис, бу объектлар ҳақидағи тарқатма материаллар, күрсатув ва видеороликлар тайёрлаб, интернет сайtlари ҳамда телеканалларда намойиш этиб бориляпти. Шунингдек, “Риштон бренді” сифатида турли сувенир ва эсдалик маҳсулотлари түпламини яратиш ҳаракатидамиз. Индонезия, Франция, Исройл телевидениелари ходимлари Риштон кулолчилиги ва зиёрат объектлари ҳақида күрсатув тайёрлаш мақсадида туманга келиб, материал йиғиб кетишиди.

Сўнгги вақтда юртимизда ички туризмни ривожлантиришга катта эътибор берилаётгани, вилоятларапо темир йўл ва авиақатновларнинг йўлга қўйилаётгани эътиборга молик. Лекин...

- Баъзан зиёратчиларнинг тарихий обидалар, меъморий ёдгорликлардаги хатти-ҳаракатларидан хафа бўлиб кетасан, - дейди вилоят маданий мерос бошқармаси бошлиғи Алишер Хусанов. - Ташриф буюрувчиларнинг бу масканларда факат суратга тушиш учун келиши эмас, ҳар бир объектнинг тарихий аҳамияти, улуғ шахслар фаолиятидан ўrnак олиши, батафсил ўрганиши кўпроқ аҳамиятли, аслида. Дунё тажрибасидан келиб чиқиб, меъморий обидалар, осори атиқалар, мақбараларга эҳтиёткорона муносабатда бўлиш, ҳудудни ифлослантирмаслик бош мезон бўлиши керак. Чунки ҳар бир тарихий объектнинг келгуси авлодлар учун қиммати кун сайн ортиб боради.

Шу ўринда “Хизр бува” ёки “Барака мозор” номи билан машҳур маскан ҳақида икки оғиз: “Вақф” хайрия жамоат фонди тасарруфига ўтказилган мазкур зиёратгоҳда ўзига хос ечим топилган. Талаб ва истаклар ўрганилгач, бу ерда кулолчилик маҳсулотлари ярмаркаси, савдо дўконлари мажмуаси ташкил этилган. Натижада кўплаб иш ўринлари, ҳунармандлар ва тадбиркорлар учун қулай шароит яратилди.

Зиёратгоҳлар, қадамжолар, тарихий-меъморий обидалар халқимиз маънавиятини юксалтиришга хизмат қиласи, шунингдек, бу жойларда туризмни ривожлантириш учун имкониятлар мавжуд.

Ҳаётжон БОЙБОЕВ.

“Фарғона ҳақиқати” газетасидан олинди.

2021-06-18 06:45:37